



Inatsisartuni ilaasortaq

Naaja H. Nathanielsen, Inuit Ataqatigiit

**Asasara Naaja H. Nathanielsen**

Brevdato: 17-11-2015  
Sags nr.  
Dok. nr. 1522943

Naalakkersuisut aallarniuttitut utoqqatsissutigerusuppaat kingusissumik akissuteqarneq apeqqutinnullu qaleralinnut akitsuut Naalakkersuisut 27. oktober 2015 saqqummiussimasaat nutaaq pillugu qujassuteqarput.

Aallarniuttitut erseqqissaatigissavara, qaleralinnut akitsuut pillugu siunnersuut, apeqqummut attuumassuteqartoq maanna atorunnaarnikuummat maannalu siunnersummit nutaamit taarserneqarsimalluni.

P. O. Box 1037  
3900 Nuuk  
Tel. (+299) 34 50 00  
Fax (+299) 34 63 50  
E-mail: oed@nanoq.gl  
www.naalakkersuisut.gl

Siunnersuut nutaaq maanna Inatsisartut Aningaasaqarnermut- Akileraartarnermullu ataatsimiisitaliaanit, peqqusummi matumani (uka 2015 – 21) akerliusqarani siunnersuut akuerisassanngorlugu inassutigineqarsimammat.

§ 37-imut apeqqutigineqartunut naak saqqummiunneqarnermisut assigimmik imaqanngikkaluartoq, taakku akiniassavakka.

- 1. Suna toqqammavigalugu Naalakkersuisut qaleralinnut akitsuut pillugu nutaamik siunnersummi pilersitsippat? Inatsisartunut ilaasortap, Jens Immanuelsen-ip siunnersutaanik aallaaveqarpa, ukiaanerani 2013-imi ataatsimiinnermi immikkoortoq 27-mi oqaasertalersorneqarsimasumi? Ima luunniit Naalakkersuisut siunnersuutaat immikkoortoq pillugu amerlanerussuteqartunit allannguutissatut siunnersuutitut toqqammaveqarpa?**

Akissuteqaat:

Maanna siunnersuut atorunnaarsinnejartoq toqqammaveqarpoq, Naalakkersuisunit piffissami sivisunerusumi, aalisarnikkut aalisakkat suulluunniit tamarmik isumalluitut akitsuusilersorneqarnissaat piumasarineqarsinnaanissaat anguniarneqarnissaat, taamaasilluni inuiaqatigiit tamarmiusut aalisarnermik isumalluiteqarnermikkut pitsaasumik atorluarneqarnissaat qulakkeerneqassamat. Siunnersuut ilaatigut Jens Immanuelsen-ip siunnersutaanit immikkoortoq 27-imit 2013-mi ukiaanerani ataatsimiinnermit aallaaveqarpoq.

- 2. Naalakkersuisut suna isumagaat, qaleralinnut akitsuutip nutaap "ilaatigut" 2013-imi aaliangigassatut siunnersuutasumit aallaaveqarnera. Akitsuutip nutaap suna aallaavigigamiuk?**

Akissuteqaat:

Naalakkersuisut anguniagaannit annermik aallaaveqarpoq, anguniarneqarmat qanoq iliornikkut ataatsimoortumut isigalugu isumalluummik atuisinnaanerup

anguniarneqarsinnaanera, aalisarnermit isigalugu kiisalu inuiaqatigiinniit ataatsimut isigalugu. Tamatumma aamma ilaatigut malitsigivaa, aalisarnikkut inuussutissarsiornerup ingerlaavartumik inerikkartortinnejarnissaa eqqarsaatigineqarnissaa, kiisalu isumalluummik nalilimmik atuisinnaanerulernissaq annerpaamik maani nunami ingerlannejarnissaa.

**3. Ukiassaq 2013-ip kingorna erseqqinnerulersimava, qanoq akitsuutit qaffaanissaq sunniuteqarnissaa? Soqutiginnippunga akitsuusiinerup kingunerisaanik aalisartunit, fabrikkin, landskarsimut suliassaqartitsinermullu ataatsimoortumik naliliinissamik.**

Akissuteqaat:

2014-imi fabrikkit 13.000 tons qalerallit suliarineqannngitsut avammut tunisassiaraat. "016-imi akitsuusiinikkut iluanaarutissaq 20 mio.kr.-iuboq. Mianersortumik oqaatigissagaanni, akitsuusiinikkut iluanaarut missingorsorneqarsimammat qaleralinnik suliareqqiineqannngitsunik 10.000 tons-inik 2016-imi kilo-mut 2 kr.-nik missingorsorneqarsimammat.

Akitsuutip matuma iluaqtissartaa ilaatigut nalorninartortaqarsimavoq. Anniksumik imaluunniit qaleralinnik suliareqqiineqannngitsunik akitsuusiinikkut neriuutaasimavoq, avammut tunisinermi akitsuusiinikkut kalaallinut suliffissanik pilersitsisinnaanerup qaffariaateqarnissaa kiisalu akileraarutitigut isertitat, qalerallit Kalaallit Nunaanni avammut tunineqannginnerani suliarineqartarnissaanut avammut tunisassiotunut pilerinarnerulernissa.

Naliliineq tamanna eqquutissappat, sulisoqarniarnermut iluaqtissartaa pitsasuussaaq imaluunniit minnerpaamik qiterpasissumiilluni. Avaqqunneqarsinnaanngilarmi, avammut tunisassiotut, naak akitsuuteqaraluartoq, aalisakkat sulareqqiineqannngitsut ingerlatiinnarneqarnissaat kissaatiginerussappassuk. Taamaattoqassappat akitsuut landskarsimut taarsiissutitut isertitsissutaasassaaq.

**4. Avammut tunisassiornermut akitsuutip atuutilerneqarnissaa aqukkuminaannissaq naatsorsuutigineqarpa?**

Akissuteqaat:

Naatsorsuutigineqarpaq allaffissornikkut aningaasartututinik qaffariaateqassasoq, suliffeqarfinnut nakkutiliartarnernut, tunisassiat piariikkat misisoqqissaartarnissaannut, allanullu. akitsuuteqarnermut tunngassuteqartut.

**5. 2013-imi ukiaanerani ataatsimiinnermi, immikkoortup 27-ip akuerineqarnerata kingorna akitsuusiineq pillugu immikkut eqqartuisoqarpa aamma tamatumma Aalisarnermut ataatsimiisitaliamut, Kalaallit Nunaanni sulisitsisunut imaluunniit allanut kingunerisinnaaneri?**

Akissuteqaat:

2013-ip ukiassaani suliniartussanik pilersitsisoqarnikuovoq, aalisarnermut akitsuutit pillugit nutaamik periuseqarnissap pilersaarusiornissaanut suliaqartussamik, tassani soqutigisaqaqtigii matumani attuumassuteqartut, ilaatigut KNAPK kiisalu Kalaallit Nunaanni sulisitsisut qaaqquneqarsimallutik. Qinersisoqarnera pissutaalluni suliniaqatigiit ataasiaannaq ataatsimiipput. Suliassat pillugit allaatigineqarsimapput, suliniuteqartut suliassaattut toqqammavianik pilersitsisut, siunissami aalisarnermut

akitsuutit inerikkiartortinnejarnissaat, taamaasilluni aalisakkanik pitsangorsaaniarnerup qaffanneqarnissaanik kissaateqarnerup maani nunami ingerlanneqartarsinnaanissaat pillugu.

Tamatumani suliaq piffissami aggersumi ingerlateqqinneqarumaarloq.

Inussiarnersumik inuulluaqqusillunga

Vittus Qujaukitsoq